

---

## ДАНҒАРА ТУМАНИДА АҲОЛИ БАНДЛИГИНИ ТАЪМИНЛАЁТГАН КОРХОНАЛАР КЎПАЙМОҚДА

Вилоят ҳокими Хайрулло Бозоров Данғара туманидаги ўрганишлари давомида маҳаллий аҳолининг бандлигини таъминлашда муҳим бўлган тадбиркорларнинг янги лойиҳаларини кўздан кечирди.

Увайсий МФЙда тадбиркор Отабек Ҳасанов ташаббуси билан ишга тушган “Metall Stroy” корхонасида ишлаётган 30 нафар ишчи-ходимларга 3,5 млн. сўмдан 6 млн. сўмгача иш ҳақи тўланмоқда.

Ушбу маҳаллада хотин-қизлар учун пойабзаллар ишлаб чиқарилаётган корхонада эса 2,5-3 млн. сўмгача иш ҳақи берилиб, 30 нафардан зиёд маҳалладаги фуқаролар бандлиги таъминланган.

Навбаҳор МФЙдаги тадбиркор Эсонали Жўраев раҳбарлигидаги “Magnat metal” корхонасида тулука маҳсулотлари ишлаб чиқарилиб, унга ишлов берилмоқда. Корхона маҳсулотларини Тожикистонга экспорт қилиш режалаштирилган.

Вилоят ҳокими Хайрулло Бозоров шунингдек, Навбаҳор МФЙ, Саноат кўчасида тадбиркорлар томонидан амалга оширилаётган “Акмалхон Иқболжон Аброржон” оилавий корхонаси томонидан калава ипни бўяш лойиҳаси, электроскутерлар ишлаб чиқаришни ташкил этиш лойиҳаси, силикокалций, ферромарганец, феррохром металл қоришмалари ишлаб чиқарилаётган корхоналар фаолияти билан ҳам яқиндан танишди.

Ўрганишлар давомида тадбиркорлар билан мулоқотда бўлган вилоят ҳокими, янги лойиҳаларни тез ва сифатли амалга ошириш зарурлигини таъкидлади. Туман секторлари раҳбарларига аҳоли учун иш ўринларини яратиш ва турмуш шароитларини яхшилаш бўйича самарали иш ташкил этиш борасида вазифалар белгилаб берилди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2024-02-23 00:15:06